

(প্রেস বিজ্ঞপ্তি)

২১ জানুয়ারি ২০২৪খ্রি.

ক্রীড়াক্ষেত্র সম্প্রসারণে ভূমিকা রাখছে চসিক: মেয়র রেজাউল

ক্রীড়াক্ষেত্র সম্প্রসারণের মাধ্যমে সুস্থ প্রজন্ম গড়তে চট্টগ্রাম সিটি কর্পোরেশন ভূমিকা রাখছে বলে মন্তব্য করেছেন চট্টগ্রাম সিটি মেয়র বীর মুক্তিযোদ্ধা মো. রেজাউল করিম চৌধুরী। রোববার জাতির পিতা বঙ্গবন্ধু শেখ মুজিবুর রহমান জাতীয় গোল্ডকাপ ফুটবল টুর্নামেন্টে (অনুর্ধ্ব ১৭, বালক) বিভাগীয় পর্যায়ে চ্যাম্পিয়ন হওয়া চট্টগ্রাম সিটি কর্পোরেশন দল মেয়র রেজাউলের কাছে চ্যাম্পিয়ান ট্রফি হস্তান্তর করে। এ উপলক্ষে টাইগারপাসস্থ চসিক কার্যালয়ে আয়োজিত অনুষ্ঠানে মেয়র বলেন, আমি মেয়র হিসেবে দায়িত্ব নেয়ার পরপরই অত্যাধুনিক স্পোর্টস কমপ্লেক্স গড়ে তুলছি। এছাড়া বিভিন্ন পরিত্যক্ত স্থানেও খেলার মাঠ ও শিশুদের জন্য জোন গড়ে তোলা হচ্ছে। ক্রীড়াক্ষেত্র সম্প্রসারণের মাধ্যমে সুস্থ প্রজন্ম গড়তে চট্টগ্রাম সিটি কর্পোরেশন ভূমিকা রাখছে এবং ভবিষ্যতেও রাখবে। সভায় উপস্থিত ছিলেন প্যানেল মেয়র গিয়াস উদ্দিন চৌধুরী, সচিব খালেদ মাহমুদ, পুলক খানসুগীর, আতাউল্লা চৌধুরী, নূর মোস্তফা টিনু, আবদুল মান্নান, হুরে আরা বেগম, আনজুমান আরা, সিটি কর্পোরেশন একাদশের সাধারণ সম্পাদক আলী আকবরসহ বিজয়ী দলের খেলোয়াড়সহ সংশ্লিষ্টরা।

স্বাক্ষরিত/-

(আজিজ আহমদ)

জনসংযোগ অফিসার কাম প্রটোকল অফিসার

চট্টগ্রাম সিটি কর্পোরেশন।

মোবাইল-০১৮১৯-৯৩০ ৪৮৮